



Broj: 01-30-3-552/25  
Datum: 05.05.2025. godine

Na osnovu člana 23. do 26. i člana 37. Zakona o namještenicima u organima državne službe u Federaciji BiH („Službene novine Federacije BiH” broj 49/05 i 103/21), člana 112l., 122. i 130. stav 2. Pravilnika o unutrašnjoj organizaciji službi za upravu Općine Travnik („Službene novine Općine Travnik”, broj: 23/22, 2/23, 3/23, 5/23, 6/23, 10/23, 15/23, 18/23, 25/23, 27/23, 28/23, 29/23, 1/24, 4/24, 6/24, 7/24, 18/24, 20/24, 1/25, 6/25, 7/25 i 9/25) i člana 6., 8. i 12 Pravilnika o radnim odnosima – prečišćeni tekst („Službene novine Općine Travnik”, broj 12/20, 13/21, 17/22, 23/22, 9/23, 11/24, 14/24 i 2/25), načelnik Općine Travnik **r a s p i s u j e**

## JAVNI OGLAS

**za prijem u radni odnos namještenika na neodređeno vrijeme  
na radno mjesto referent vatrogasac – automehaničar i viši samostalni  
referent za poduzetništvo i prijem pripravnika u radni odnos na određeno  
vrijeme**

Radna mjesta:

1. referent vatrogasac - automehaničar
  - 1 (jedan) izvršilac
  - namještenik se prima na neodređeno vrijeme
2. viši samostalni referent za poduzetništvo
  - 1 (jedan) izvršilac
  - namještenik se prima na neodređeno vrijeme
3. pripravnik – najmanje III stepen školske spreme odgovarajuće struke tehničkog smjera
  - 2 (dva) izvršioca
  - prijem pripravnika na određeno vrijeme u trajanju od šest mjeseci

Opis poslova:

Za poziciju broj 1:

- vrši automehaničarske poslove i na svim vozilima i pumpama, kako u radionici tako i na terenu o čemu vodi propisanu evidenciju;
- vrši kontrolu pravilnosti upotrebe vozila i MTS i opreme, nepravilnosti detektuje i prijavljuje nadređenom, te otklanja u skladu sa mogućnostima;
- stara se o potrebi za nabavkom rezervnih dijelova i alata neophodnih za obavljanje automehaničarskih poslova i zadataka, saraduje na pripremama za tehničke specifikacije vozila, MTS-a i opreme sa nadležnom općinskom službom;
- prima u rad neispravna vozila, MTS i opremu po otklonjenim kvarovima, iste predaje uz pismeni izvještaj nadređenom;
- upravlja motornim vozilima i učestvuje u vatrogasnim i drugim intervencijama;
- učestvuje u svim preventivnim mjerama zaštite od požara;
- učestvuje na obuci, vježbama iz oblasti zaštite od požara i spašavanja od prirodnih i drugih nesreća;
- obavlja i dispečerske poslove i druge poslove po nalogu neposredno nadređenog.

Za poziciju broj 2:

- pruža pravnu pomoć davanjem stručnih objašnjenja oko sastavljanja podnesaka;
- priprema i razmatra zahtjeve iz oblasti trgovine, ugostiteljstva, obrta i prometa;

- vrši izdavanje odgovarajućih uvjerenja o činjenicama o kojima se vodi službena evidencija, te vođenje postupka radi utvrđivanja činjenica o kojima se ne vodi službena evidencija i izdavanju odgovarajućih uvjerenja o tim činjenicama;
- vrši ovjeru trgovačkih knjiga;
- vrši ovjeru cjenovnika i normative u oblasti ugostiteljstva;
- vrši i druge poslove po nalogu pomoćnika načelnika.

Pored općih uslova propisanih članom 24. Zakona o namještenicima u organima državne službe u Federaciji BiH (državljanstvo BiH, punoljetnost, opća zdravstvena sposobnost, da u posljednje 2 godine od dana objavljivanja oglasa kandidat nije otpuštan iz organa državne službe kao rezultat disciplinske kazne na bilo kojem nivou vlasti u Federaciji, odnosno BiH i da nije obuhvaćen odredbom člana IX 1. Ustava BiH), kandidati trebaju ispunjavati i posebne uslove predviđene Pravilnikom o unutrašnjoj organizaciji službi za upravu Općine Travnik i to:

za poziciju broj 1:

- najmanje III stepen - automehaničar
- položen stručni ispit
- položen ispit za profesionalnog vatrogasca
- položen vozački ispit C kategorije
- 6 mjeseci radnog staža
- dokaz o psihofizičkoj i zdravstvenoj sposobnosti za vršenje poslova vatrogasca
- uvjerenje o nevođenju krivičnog postupka i neosuđivanju za krivično djelo protiv života i imovine

za poziciju broj 2:

- VŠS upravnog smjera;
- 1 godina radnog staža;
- položen stručni ispit;
- poznavanje rada na računaru

za poziciju broj 3:

- najmanje III stepen školske spreme odgovarajuće struke tehničkog smjera (vatrogasne, građevinske, metalske, hemijske, elektro-tehničke, šumarske ili drugi smjer tehničke struke);
- dokaz o psihofizičkoj i zdravstvenoj sposobnosti za vršenje poslova vatrogasca,
- uvjerenje o nevođenju krivičnog postupka i neosuđivanju za krivično djelo protiv života i imovine.

Kandidati su dužni priložiti sljedeću dokumentaciju:

- Prijava na javni oglas;
- Kratka biografija;
- Izvod iz matične knjige rođenih;
- Uvjerenje o državljanstvu;
- Diplom o završenoj stručnoj spremi ili svjedočanstvo o završnom ispitu;
- Dokaz o radnom stažu (potvrdu ili uvjerenje poslodavaca kod kojih je kandidat radio ili trenutno radi ili uvjerenje porezne ispostave ovjereno pečatom i potpisom nadležne osobe u kojem su tačno naznačeni periodi prijave i odjave kandidata ili uvjerenje Zavoda za penzijsko i invalidsko osiguranje (PIO/MIO). Uz uvjerenje Zavoda za penzijsko i invalidsko osiguranje o podacima registrovanim u matičnoj evidenciji nadležnih organa obavezno je dostavljanje potvrde koja razjašnjava šifre zanimanja iz uvjerenja (listinga), tako da se može vidjeti sa kojom stručnom spremom je kandidat radio. Ukoliko se kao dokaz o stažu dostavlja potvrda poslodavca, potvrda mora sadržavati sljedeće podatke: - naziv i sjedište poslodavca, broj, datum i mjesto izdavanja potvrde, podatke o nazivu radnog mjesta, odnosno vrsti poslova koje je kandidat obavljao, obavezno naznačenu školsku spremu sa kojom je obavljao navedene poslove, period obavljanja poslova, potpis ovlaštenog lica i pečat. Kao dokaz o radnom stažu neće se uzimati u razmatranje radna knjižica, pismo preporuke i ugovor o djelu (za pozicije broj 1 i broj 2);
- Dokaz o poznavanju rada na računaru / uvjerenje / potvrda (škola, ustanova koja se bavi obučavanjem znanja rada na računaru)-(za poziciju broj 2);

- Dokaz da u posljednje 2 godine od dana objavljivanja oglasa kandidat nije otpuštan iz organa državne službe, a što se dokazuje:  
Ovjerenom izjavom kandidata - odnosi se na kandidate koji nisu radili u organima državne službe ili su nezaposleni;  
Uvjerjenjem organa državne službe ako je kandidat bio zaposlen u organu državne službe;
- Ovjerena izjava kandidata da nije obuhvaćen odredbom člana IX 1. Ustava BiH;
- Dokaz da nema ostvaren radni staž i iskustvo nakon sticanja diplome – uvjerenje Zavoda PIO/MIO o podacima registrovanim u matičnoj evidenciji u kojem je navedena šifra zanimanja (za poziciju broj 3)
- Potvrda da je prijavljen na evidenciju nadležne Službe za zapošljavanje (za poziciju broj 3).

U radni odnos može biti primljen kandidat koji nema položen stručni ispit i ispit za profesionalnog vatrogasca, s tim da je isti dužan položiti kako je to predviđeno članom 32. Zakona o namještenicima u organima državne službe u Federaciji BiH ("Službene novine FBiH", broj 49/05 i 103/21) i članom 106. stav 2. tačka 1) Zakona o zaštiti od požara i vatrogastvu ("Službene novine FBiH", broj: 64/09).

Dokaz o zdravstvenoj sposobnosti kandidati nisu dužni priložiti uz prijavu na javni oglas, već će se navedeni dokaz dostaviti po konačnosti rješenja o prijemu u radni odnos samo za izabranog kandidata.

Napomena za sve kandidate:

Odluku o izboru kandidata po ovom raspisanom javnom oglasu donosi rukovodilac organa državne službe Općine Travnik, odnosno općinski načelnik, a na osnovu prijedloga Komisije za izbor koja će razmotriti sve pristigle prijave i utvrditi rang listu uspješnih kandidata u skladu sa uslovima javnog oglasa.

Javni oglas ostaje otvoren 15 dana od dana objavljivanja, a bit će objavljen u dnevnim listovima: „Oslobođenje“, „Večernji list“, „Dnevni avaz“ te na web stranici i oglasnoj ploči Općine Travnik.

Prijave sa potrebnom dokumentacijom, uz obavezne podatke za kontakt, dostaviti putem pošte ili lično na adresu: Općina Travnik, Komisija za prijem namještenika u radni odnos na neodređeno vrijeme i prijem pripravnika na određeno vrijeme, Konatur bb, 72270 Travnik.

Prijave se dostavljaju u zatvorenoj koverti sa naznakom:

za poziciju broj 1:

„Za javni oglas za popunu radnog mjesta referent vatrogasac - automehaničar u Službi za civilnu zaštitu na neodređeno vrijeme“,

za poziciju broj 2:

„Za javni oglas za popunu radnog mjesta viši samostalni referent za poduzetništvo u Službi za razvoj, privredu i vanprivredu na neodređeno vrijeme“,

za poziciju broj 3:

„Za javni oglas za prijem pripravnika u Općini Travnik“.

Nepotpune, neuredne i neblagovremene prijave neće biti uzete u razmatranje.



